

'Nu truono...."chella voce"

Padre Lui',
ogge fanno 10 anne
ca te ne si' ghiuto
a 'o munno a verità,
zittu zitto e cu' semplicità !
Chella voce d' 'a toja
nisciuno s' 'a pò scurdà' maje :
- Era comm 'o truono 'e 'nu vurcano,
'nu fuoco c' abbruciava 'mpietto
specialmente quanno alleziunave,
dint 'a settimana,
'a famiglia francescana.-
" A tanno ".....nun se pò credere :
- Quanti perzone hanno fatto
e fanno ancora 'o nomme tujo
dint 'a ogni discussione
pe' 'na decesione. -
'Nzomma, 'ntrànchete,
comme o nu' ccomme,
padre Luigi Monaco,
sta sempe
" mmiezo " a cummunetà soja.....
j 'e frutte se vedono
e comme se vedono !
Io po', Lui'.....
nu' mm' 'o scurdarraggio maje
chello ca tu me cunzigliaste 'e fà'
p' 'o bbene mio ;
m 'arricordo ca doppo,
" chell ' audienza " ,.....
m' acciriste cu' 'sta sentenza :
- Raggiunlé', si 'a semmenta
nu' ccade 'nterra
e nu' mmore,.....
nun dà frutte ! -